庫全書

子部

欽定四庫

御纂朱子全書卷二十

詳校官中書臣張姚成 編修臣倉聖服覆勘

校對官中書臣王 覆校官中書臣王奏憲 謄録監生臣趙位堂

瓆

御纂朱子 欽定四庫 論語之書無非操存涵養之 句是自然孟子句句是事實亦此意也如論語所言 孟子 充 總論 概是要人 端盖孔子大概使 、探索力討反 優游餐飲涵泳諷味孟子 己自求故伊川曰孔子句 /要七篇之 書其非體驗擴

楊至之云看孟子見得一箇大意是性之本體仁義之 金ラ 推 良心到戰國時君臣上下都 泉始達之類皆是要體認得這心性下落擴而充之 性善存心養性孺子入井之心四端之發若火始然 祭非禮勿視聽言動之類皆是存養底意思孟子言 於此等類語翫味便自可見 居處恭執事敬與人忠出門如見大賓使民如承大 明發見之端緒教人去體認擴充曰孟子高他都 齊埋沒了孟子所以

學問之道無他求其放心而已又曰有是四端於我者 聖賢大段易做全無許多等級所以程子云孟子才 孟子大段見得敏見得快他說話恰似箇獅子跳躍 便是義之端只他說在那裹底便是似他說時見得 相似且如他說箇惻隐之心便是仁之端羞惡之心 髙學之無可依據 未有許多意思令說得 知皆擴而充之孟子說得最好人之一心在外者又 リシンショの御祭た子全当 體認字蚤是遲鈍了孟子

孟子之書明白親切無甚可疑者只要日日熟讀預教 孟子於義利閒辨得豪釐不差見一 銀定四母百書 他在吾肚中先干百轉便自然純熟某初看時要逐 才見事到面前便與他割制了 便分箇是與不是這便是集義處義是一 意 要收入來在內者又要推出去孟子一部書皆是此 句去看他便覺得意思淺迫至後來放寬看却有條 巻二十 事來便劈做兩片 柄刀相 似

欠三四軍全書 一四 仰察朱子全書 孟子比孔子時說得髙然孟子道性善言必稱堯舜又 論語多門弟子所集故言語時有長長短短不類處孟 自下手安得如此好若是門弟子集則其人亦甚高 見孟子說得實 因讀亦知作文之法 理然此書不特是義理精明又且是甚次第文章某 子疑自著之書故首尾文字一 不可謂軻死不傳 一體無些子瑕疵不是

問史 解書 近略整類孟子說見得此老直是把得定但常放教 便是英氣害事處便是才髙無可依據處學者亦 샜 極險處方與 明 可 非有命世之才見道極分明不能如此然亦只 記謂孟子之書孟子自作趙岐謂其徒所記今觀 難得分曉趙岐孟子拙而不明 不知也 頬以 上 1 條語 擇苔 之林 幹轉幹轉後便見天理人欲直是 老二 王 弼 周易巧 而 此 不

欠已日事全書 歌海原朱子全書 問孟子集註序說言史記言孟子受業子思之門人註 权峇 重董 或有疑此者當以此答之恐未是也曰或恐是如此 謂趙岐所註必有所考孔叢子恐是偽書似不必引 七篇文字筆勢如此決是一手所成非魯論比也然 云趙氏註及孔叢子亦皆云孟子親受業於子思錄 所記孟子必曾略加剛定也此非甚緊切以朋友間 其間有如云孟子道性善言必稱堯舜亦恐是其徒

說義利處曰聖賢之言所以要辨別教分明但只要向 義邊一 心只邪向那追去固是未有仁而遺其親未有義而 利固是義有大利存馬若行義時便說道有利則 先後也好存亦無害各董叔重 此書如何曰孔叢子雖偽書然與趙岐亦未知其孰 Ľ 梁惠王上 Ŀ 孟子見梁惠王章 1: 1:1 直去更不通思量第二者才說義乃所以為 條 0 ソノ 址

欠足四单全書 孟子大綱都剖析得分明如說義利等處如答宋經處 正淳問仁者心之德爱之理義者心之制事之宜德與 說 見得事只有箇是非不通去說利害看來惟是孟子 屷 要不後其君則是先有心於為利聖賢要人止向 後其君纔於為仁時便說要不遺其親為義時便說 路做去不要做這一邊又思量那 得斬 說不謀其利不計其功 釘截鐵 御察朱子全書 一邊仲舒所以 Ĺ

金り 親 程子言處物為義則是處物者在心而非外也又云 子所謂處物為義是也揚雄言義以宜之韓愈言 說爱之理方說到親切處心之制却是說義之體程 理 而宜之之謂義若只以義為宜則義有在外意 切 榹 俱以體言制與宜俱以用言否曰心之德是渾淪 又 說道理只渾淪說又使人無捉摸處若要說 得渾淪開闊無 却 局促有病如伊川 病知言説 說仁者天下之公善 理是要親切所 湏 如

Ū

Ĺ

ノニー

程子曰處物為義非此 **とこりむとち 一関御祭朱子全書** 德脩說王立於沿上一章引齊宣王見孟子於雪宫事 蓋物之宜雖在外面所以處之使得其宜者則在內 見如義者事之宜事得其宜之謂義皆說得未分晓 多病 云梁思王其辭遜齊宣王其辭誇先生曰此說好節 也 類以 四上 王立於沿上章 條語 句則後人恐未免有義外之

問梁惠王移民移果之政周官廩人之職未當廢孟子 問孟子告梁王省刑罰薄稅斂便可以撻秦楚之甲 金月日五月三 次第耳 當熟號孟子所說王政之始終其措置施行之方略 非之者豈以惠王不知仁政之本耶曰此無異議但 魏地迫近於秦無時不受兵割地求城無虚日孟 寡人之於國也章 晉國天下莫强馬章 o 文 张 集 敚 之

孟子亦是作為底人如云彼陷溺其民王往而征之夫 飲定四庫全書 陽 即暴朱子全書 子之言似太容易否曰自是響應如此當時之人焦 熬已甚率歡欣鼓舞之民而征之自是見效速後來 無義理耳如五畝之宅樹之以桑而下為政之實行 **継與王敵** 公子無忌編素一舉直擣至函谷関可見 之既至則視當時無道之國直可但已哉以上 孟子見梁襄王章 非不用兵也特其用兵不若當時戰國之 Ł 條語

問望之不似人君此語孔子還道否曰孔子不說孟子 或問仁術字當何訓曰此是齊王見牛散解而不忍之 無道桓文之事事者營霸之事儒者未嘗講求如桓公 霸諸侯一匡天下則誰不知至於經營霸業之事儒 忍不住便說 者未尝言也 心萌故以羊易之孟子所謂無傷蓋能護得齊王 齊宣王問齊桓晉文之事章 類語

改正四車全書 即暴未子全書 陳希周問仁術曰術字本非不好底事只緣後來把做 者而易之乃是他既周旋得那事又不抑遏了這不 著有箇巧底道理始得當齊王見牛之時惻隐之心 這不忍之心遂不得而流行矣此乃所謂術也 變許看了便道是不好却不知天下事有難處處湏 忍之心此心乃得流行若當時無箇措置便抑遏了 心發見處術猶方便也 已發乎中又見釁鐘事大似住不得只得以所不見

問先生解物皆然心為甚曰人心應物其輕重長短之 見牛未見羊也未字有意味蓋言其體則無限量言其 便是本然之權度也如齊宣王見牛而不忍之心見 知如何是本然之權度日本然之權度亦只是此心 難齊而不可不度以本然之權度又有甚於物者不 此是合權度處及至與甲兵危士臣構怨於諸侯又 此 用則無終窮充擴得去有甚盡時 心本然萬理皆具應物之時消是子細看合如何 卷二十

黄先之問物皆然心為甚曰物之輕重長短之差易見 易度心之輕重長短難度物差了只是一事差心差 故曰心為甚又曰物易見心無形度物之輕重長短 却忍為之便是不合權度失其本心又問莫只是無 心之輕重長短之差難見物之差無害心之差有害 之未至否曰亦是祭之未精 所為而發者便是本心曰固是然人又多是忘了問 如何忘了曰當惻隐時却不惻隐是也問此莫是養

钦定四庫全書 即暴朱子全書

孟子開道時若故曰今之樂猶古之樂至於言百姓間 問孟子論齊王事考之史記後來無一 必然之效方是以上 此已是見得遲了須看他一 了時萬事差所以心為甚又曰以本然之權度度心 又日爱物宜輕仁民宜重此是權度以此去度 梁惠王下 莊暴見孟子章 條語 部書見得句句的確有 一不效曰雖是 如

孟子言文王由百里興亦未必然問孟子謂文王之囿 亦此類也語 樂音欣欣然有喜色處則関閉得甚密如好色好貨 齊宣王問文王之囿章

方七十里先生以為三分天下有其二以後事若只 百里如何有七十里之囿然孟子所謂傳有之者如

C 己切戶 上野 一〇個暴朱子全書

宣王爾若文王之囿果然縱一

切人往則雖七十里

何曰想他須有據但孟子此說其意亦只主在風齊

多分正是 台灣 **绝固反縱錫獵恣往而不禁乎亦無是理漢武帝規** 國不恭亦撓他不動智者為能以小事大蓋智者見 長茂乎周之盛時雖天下山林猶有屬禁豈有君之 文王之囿反如是之大部 上林苑只有二三十里當時諸臣已皆以為言豈有 之大不過幾時亦為赤地矣又馬得有林木鳥獸之 仁者為能以大事小是仁者之心寬洪惻怛便是小 問交鄰國有道章

次至四事全書 即即原未子全書 問梁惠王下第三章尹氏曰仁者之心至公也智者之 道理自合恁地小之事大弱之事強皆是道理合恁 廣狹然其智者私於一國則非畏天之旨矣仁智之 規模氣象如此語 地至問樂天者保天下畏天者保其國曰只是說其 得利害甚明故抵得事大曰也不特是見得利害明 心用謀也以小事大則狹隘而私一國必大謂二者 所遇不同而應之皆出於理之所當然其規模固有

問樂天畏天不同以仁者而居小國固不免為智者之 金り 者分別曲直未必能容忍而不與之較如仁者之為 思自不同也答 也日得之谷潘 事使智者而居大國則未必能為仁者之舉何者智 敬以循之其大概是如此若細分之則太王勾践意 辨當別有說曰仁者自然合理智者知理之當然而 問 人皆謂我毀明堂章 集謙 豐美 卷二十 條0 バ

| C.E.ワート E の原本子全書 問孟子以公劉太王之事告其君恐亦是委曲誘掖之 太王之事如此兩事看來却似易待去做時多少難 意曰這兩事却不是告以好色好貨乃是告以公劉 而已矣看來也似易 長者謂之弟疾行先長者謂之不弟堯舜之道孝弟 孟子又說子服堯之服誦堯之言行堯之行是堯而 大凡文字須将心體認看這箇子細看來甚是難如 已矣看來也似易這如何便得相似又如說徐行後

左右固非大臣亦非関官其臣但謂親近之臣如漢侍 金发巴西人 問孟子語好貨好色事使孔子肯如此荅否曰孔子不 中給事中魏晉以來中書門下之比云耳所謂左右 除之此處又却如此引導之曰此處亦自分義利特 親者身故正指劉放孫資而言耳大夫却是任政 此答但不知作如何答問孟子答梁王問利直掃 不察耳 肵 謂故國章 類以 條語 卷

先生舉賊仁者謂之賊賊義者謂之殘問何以別近思 審於擇人未必以其信左右之言而發所云教之以 不必如此過求却失正意也今淮文叔 不信大臣亦是推説之過大抵讀書只合平心說理 以義為見於所行便是告子義外矣義在内不在外 云賊仁是害心之理賊義是見於所行處傷其理曰 之臣六卿官之長亦上大夫也孟子之意但欲齊王 問湯放桀章

久足四軍 全事 一切你原本子全書

+

問 金グロル 教玉人 甚也治國家則不能用賢而徇私欲是愛國家不如 重殘之罪輕仁義皆是心仁是天理根本處賊仁則 大倫大法虧滅了便是殺人底人 事上言一事上不合宜便是傷義似手足上 般所傷者小尚可以補 所以度事亦是心度之然此果何以別蓋賊之罪 為巨室章 那 琢王集註云不敢自治而付之能者爱之 卷二十 般義是就 損傷 節

齊人伐燕孟子以為齊宣史記以為湣王温公平生不 ここり戸白島 御察朱子全書 王也此莫是餘意否曰正意是如何曰正意只是說 玉人自會琢玉何消教他賢者自有所學何用教他 曉尚子亦云湣王伐熊然則非宣王明矣問孟子必 喜孟子及作通鑑却不取史記而獨取孟子皆不可 舍其所學後譬只是申解前譬曰兩譬又似不相似 不知如何做得恁地嵯峨賴 齊人伐燕勝之章 十四

銀方四屋石門 居之問取之而燕民悦則取之至文王是也竊疑文王 權 豈有草商之念曰此等難說孔子謂可與立未可與 做得不是說得他底是他亦豈不愧也 改為宣王爾問湣王若此之暴宣能慚於孟子曰既 於太王實始翦商如下武之詩文王有聲之詩都說 不誤曰想得湣王後來做得不好門人為孟子諱故 文王做事且如代崇一事又不是一項小小侵掠乃 到那時事勢自是要住不得以詩書考之如云至

是大征伐詢爾仇方同爾兄弟以爾鉤援與爾臨 之文王不得已受之横渠云不以聲色為政不以草 此 命有中國點順帝則 天下都不得或曰紂命文王得專征伐紂不得已命 以伐崇墉此見大段動衆這般處要做文王無意 上下崩颓忽於岐山下突出許多人也是誰當得 如 此只是事勢自是不可已只當商之季七顛八 說恰似內無純臣之義外亦不屬於商這也未必 御暴朱子全書 而天下歸馬其惟文王乎若 十五 如 肞

問孟子答滕文公三段皆是無可奈何只得勉之為善 莫非勉之以王道 國視之猶太山之壓難卯耳若教他粗成次第此二 王之事惟孟子識之故七篇之中所以告列國之君 况王政不是一 此只是吾得正而斃馬之意蓋滕是必亡無可疑矣 辭想見滕國至弱都主張不起故如此 滕文公問滕小國也章 日行得底事他又界在齊楚之問二 類以 上 條語 口只是如

欠已日東公島 易得也類 國亦必不見容也當時湯與文王之與皆在空閒之 地無人來與他故日漸盛大若滕則實是難保也立 孟子至二三十年使鄰國之民仰之若父母則大國 **國甚强可以有為而孟子與其君言恬然不恤滕文** 亦想不能動他但世間事直是難得恰好耳齊梁之 之云若教他能舉國以聽孟子如何曰他若能用得 公却有善意又以國小主張不起以此知機會真不 御緣朱子全書 十六

以齊王猶反手不知置周王於何地曰此難言可以意 銀牙巴尼二章 李公常語曰孔子曰桓公九合諸侯不以兵車管仲之 力也如其仁如其仁又曰管仲相桓公霸諸侯一 時天命人心已離矣語 會如湯武之事是也春秋定哀問周室猶得至孟子 下民到於今受其賜微管仲吾其被髮左社矣而 公孫丑上 問夫子當路於齊章 卷二十 匡

器奢惜不知禮言仲之不能圖大致遠也夫奢惜不 知禮之人豈得為仁乎其所以九合諸侯者假仁而 吾其被髮左衽言仲有攘卻夷狄之功也至謂其小 謂管仲如其仁言仲之似仁而非仁也又謂微管仲 因而殺之貨可得也雖然他人之鬬者耳桓公管仲 曾西之所不為嗚呼是猶見人之鬬者而笑曰胡不 孟子謂以齊王猶反手也功烈如彼其甲故曰管仲 之於周救父祖也而孟子非之奈何隐之辯曰孔子

次定四車全書 柳縣朱子全書

資耳謂桓公管仲之於周如救父祖吾弗信之矣曰 喜管仲仁者不為也管仲急於圖霸籍周室以為之 者功之首罪之題也知此者可與論桓公管仲之事 夫子之於管仲大其功而小其器邻康節亦謂五霸 如彼其甲童子且羞稱之況大賢乎有好功利者公 里之國而相管仲管仲得君之專行國政之久功烈 十里為小國之諸侯伊尹相之以王於天下齊以干 行以濟其不仁耳宜曾西之所不為也昔成湯以七

金りです

卷二十

た Eり車 c 等 一関 御寒米子全書 管仲救父祖之關而私其財以為子舍之藏者也故 矣夫子言如其仁者以當時王者不作中國衰夷狄 横諸侯之功未有如管仲者故許其有仁者之功亦 孟子不與管仲或以是耳隐之以為小其不能相桓 **周雖小振而齊亦沒強矣夫豈誠心惻怛而救之哉** 不為蓋亦有說矣季氏又有救鬬之就愚以為桓公 模宏遠自有定論豈曰若管仲而休耶曾西之耻而 彼善於此而已至於語學者立心致道之際則其規 **十**八

金为口居人 或 公孫丑問孟子動心否乎非謂以卿相富貴動其心謂 問錐由此霸王不異矣如何分句曰只是雖由此霸 當年事勢且言己志非為管仲發也請來隐之 霸王事大恐孟子擔當不過有所疑懼而動其心也 改革命之事未可為也孟子言以齊王猶反手自謂 公以王於天下恐不然齊桓之時周德錐衰天命未 王不與矣言從此為霸為王不是差異 問夫子加齊之卿相章 卷二十 集尊

德俗問公孫母說不動心是以富貴而動其心先生曰 次定四車全書 一一一柳果朱丹全書 為緩曰孟子須光說我知言然後說我善養吾治然 王當甚閒事因論知言養氣德脩謂養氣為急知言 公孫丑錐不知孟子必不謂以富貴動其心但謂霸 須養有尺便量見天下長短曰須要識這尺 氣來故接續如此問不知言如何養得氣德脩云先 之氣公孫丑先問浩然之氣次問知言者因上面說 王事大恐孟子了這事不得便謂孟子動心不知霸 九儿

先生問周看公孫母不動心章答云云先生曰公孫母 所以不動者皆強制於外不是存養之功故又舉曾 有 極容易底事我從四十己不動了告子又先我不動 子之言云自反縮 閒謂任此重事還動心不動心孟子答以不動 仰不愧俯不作看如何大利害皆不足以易之者 於是又舉北宮熟孟施舍之勇也是不動然彼之 亦 丑又問不動心有道理無道理孟子又告以 與不縮 所以 不 動只在方寸之間

次足四軍全書 即原本子全書 問告子之不動心是否曰告子之不動心是粗法或強 勇養到否曰然 非岩孟子酬酢萬變而不動也又問正如北宫點之 且問浩然之氣 氣若依序問當先問知言公孫丑只承孟子之言便 動者如何孟子遂答以我知言我善養吾治然之 不動不可知或臨大事而全舜能不動亦未可知 豪不直則此心便索然公孫丑又問孟子所以 Ŧ

問孟施舍量敵應勝似有懼也孟子乃曰能無懼如何 孟施舍北宫熙是不畏死而不動心告子是不認義理 問那是孟施舍守約處曰孟施舍本與北宮熟皆只 勇上言如子襄曾子告子就義理上言 是勇夫比曾子不同如北宫熟孟施含孟賁只是就 曰此孟施舍譏他人之言舍自云我則能無懼而已 人把守氣不如守約做題目此不成題目氣是實物 而不動心告子惟恐動著他心

欠定四軍全事 國 即屬朱子全書 縮直也儀禮禮記多有此字每與衡字作對下文直養 孟子說曾子謂子襄一 之說蓋本於此乃一章大指所繫不可失也答你於 無了期故有後面許多說話切上語 子就理上做工夫 宫默之守氣不似孟施舍守氣之約孟施舍之守氣 又不如曾子所守之約也孟施舍就氣上做工夫曾 約是半虚半實字對不得守約只是所守之約言北 段已自盡了只為公孫丑問得

7

不得於言勿求於心此正孟子告子不動心之差別處 不得於言只是不曉這說話言只似道理字 不得於言勿求於心不得於心勿求於氣此告子不動 理會不得謂失也有失於其言則曰無害於心但心 不復更求於氣 不動言雖失不必問也惟失之於心則就心上整理 心之法告子只就心上理會堅持其心言與氣皆不

金グロ人

1: 1

Š

卷二十

集

尺色日草在雪 軍御寒朱子全書 不得於言勿求於心不得於心勿求於氣不得猶曰失 孟子却如此答便見得告子只是硬做去更不問言 當看上文云敢問夫子之不動心與告子之不動心 謂言之失非干心事也此其學所以與孟子異故孟 定要硬把得心定不得於言謂言之失也勿求於心 子章末云我故曰告子未嘗知義以其外之也 柳也既而轉性猶湍水也他只不問是非信口說出 之是非便錯說了也不省如與孟子論性說性猶杞 1 产

銀月口左白電 **箇心要他不動孟子則是能知言又能養氣自然心** 心者固當求之心然氣不得所養亦反能動其心故 正者則不可求之於氣孟子謂言有所不能知正以 也謂言有所不知者則不可求之於心心有不得 理告子既不務 不得於心勿求於氣雖可而未盡也蓋知言只是 心有所不明故不得於言勿求於心不 不動蓋知言本也養氣助也三者恰如行軍知言則 知言亦不務養氣但只硬把定中間 卷二 可其不得 知 其

次定四車全書 题即暴朱子全書 不得於心勿求於氣者不失其本則猶可也不得於言 其先鋒知虚識實者心恰如主帥氣則卒徒也孟子 章血脈貫通而於知言養氣設淫邪遁之辭方為 勝告子則前後無引助只恁孤立硬做去所以與孟 子不動心具也不得於言以下但作如此看則此 亦 下落也至於集義工夫乃在知言之後不能知言則 则前有引導後有推 不能集義言如親 人之言皆是古聖賢之言 助自然無恐懼紛擾而有以自 . 11-11 有

問告子謂不得於言勿求於心是自己之言耶是他 則 這 稱告子所見高告子固是高亦是陸子之學與告子 之言耶若要得後面知言處相貫則是他人之言曰 而不求於心以考其所失則其中頑然無所知覺無 擇其義之所安故斷之以不可 似故主張他然陸氏之學更關突似告子至云陸 不復反求其理於心當見陸子靜說這一 段前後都相貫即是一 樣言語告子於此不達 一段大段

飲定四庫全書 即柳幕朱子全書 不得於心勿求於氣可不得於言勿求於心不可孟子 皆氣使之故勿求於氣未為盡失至言之不當未有 直養而無害是集義所生者緊要處在此三句上看 不出於心者而日勿求於心則有所不可矣伊川先 既引告子之言而論其得失如此夫心之不正未必 類パ 曰便是先生又謂養氣一 氏之學不甚教人讀書看文字與告子相似否先生 六 上 條語 段緊要處是自反而縮以 古

有設淫邪遁之失不得於言而每求諸心則其察理 但心動氣之時多氣動心之時少故孟子取其彼善 觀之氣亦能反動其心則勿求於氣之說未為盡善 於此而已凡曰可者皆僅可而未盡之詞也至於言 言勿求於心蓋不知義在內也皆此意也然以下文 外所以不得於心勿求於氣可也又曰告子不得於 生曰人必有仁義之心然後有仁義之氣醉然達於 雖發乎口而實出於心內有嚴陷離窮之病則外

問志至馬氣次馬曰志最緊氣亦不可緩志至馬則氣 問血氣之氣與浩然之氣不同曰氣便只是這箇氣所 謂體之充也便是 以為不可於此可見告子之不動心所以異於孟子 其出於中亦義外之意也其害理深矣故孟子斷然 用此道也而告子反之是徒見言之發於外而不知 而亦豈能終不動者哉答張敬夫 日益精矣孟子所以知言養氣以為不動心之本者

次定四車全書 一一一柳葉未子全書

二十五

先生問公每讀無暴其氣如何鄭云只是喜怒哀樂之 志至氣次只是先後志在此氣亦隨之公孫丑疑只就 金グビル 時持之不使暴戾曰此乃是持其志志者心之所向 持志却是養心也不是持志之外別有箇養心持者 之氣亦能動心 便在這裏是氣亦至了 曰持其志無暴其氣何也孟子下文專說氣曰蹶趨 志理會理會得志氣自隨之不必更問氣也故云又

又三日戶上馬 國 即原朱子全書 心之不定只是合下無工夫曰所以不曾下得工夫病 與哀樂之過其節者皆是暴其氣暴其氣者乃大段 岩無暴其氣又是下面一截事若不當喜而喜與喜 痛在何處口須是有所養口所謂養者以直養否口 粗也 把提教定當喜時也須喜當怒時也須怒當哀時也 之過分不當怒而怒與怒之過分不當哀樂而哀樂 須哀當樂時也須樂審教定後發必中節這是持志 子六

遺書曰志一 金为口尼白丁 動氣氣一 學者同聽之而所記各有淺深類多如此志一 曰志專一 動氣動又添入 則動氣氣專一 縱此氣自然心定 到以直養處且持其志無暴其氣可也若我不放 則固可以動氣而氣專一 動則動志此言未說動氣動志而先言志 動則動氣氣一動則動志外書曰志專 則動志二者孰是曰此必 動字不若後說所記得其本古蓋 亦可以動其志 日之 動

程子有言志壹氣壹專一之意若志專在淫僻豈不動 敢問夫子惡乎長曰我知言我善養吾浩然之氣公孫 改定四車全書 獨柳察朱子全情 蹶者趨者是氣也而反動其心令人奔走而來偶喫! 氣氣專在喜怒宣不動志當只依此說於林擇之 急之中理會甚事亦是氣未定也 丑既知告子之失而未知孟子之所以得故問焉而 跌其氣必逆而心不定是氣之能動其心如人於忙 ニキと

孟子說養氣光說知言先知得許多說話是非邪正都 胡氏云格物則能知言誠意則能養氣 復考其得失孟子善養其氣而告子乃以為末而不 孟子能知人言之是非告子乃自以其言為外而不 孟子告之我知言者能識聲言之是非也治然威大 無疑後方能養此氣也 求其得失可見矣 流行之貌盖天地之氣而吾之所得以充其體者也

問知言在養氣之先如何日知是知得此理告子便不 之言不得其義理又如讀古人之書有不得其言之 來亦如此說然與知言之義不同此是告子聞他人 謂是在外事更不管著只強制其心問向看此段以 理會故以義為外如云不得於言勿求於心雖言亦 義皆以為無害事但心不動足矣不知言便不知義 告子不得於言是偶然失言非謂他人言也曰某向 以外義也如該淫邪道亦只是他人言故曰生於

又三月日 An 上 御祭朱子全書

İ

文

金月口匠白雪 浩然之氣清明不足以言之才說浩然便有箇廣大剛 問孟子能擔當得此樣大事否故孟子所答只說許 能移屈之類皆低不可以語此公孫丑本意只是設 果意思如長江大河浩浩而來也富貴貧賤威武不 對蹉失多矣 行言語亦大難若非燭理洞徹骨次坦然即酬酢應 其心其字便是謂他人也又言聖門以言語次於德 剛勇故說出浩然之氣只就問答本文看之便見

文振説浩然之氣曰不湏多言這只是箇有氣魄無氣 次足四車全書 得子細 是答公孫丑不動心纏來纏去說出許多養氣知言 為然其所謂不動心不在他求只在自家知言集義 懾怯於世間禍福利害易得恐動只是如此他本只 利害方敵得去不被他恐動若無氣魄便做人衰颯 魄而已人若有氣魄方做得事成於世間禍福得喪 集義其實只是箇不動心人若能不動心何事不可 御暴朱子全書 主九

問治然之氣即是人所受於天地之正氣否曰然又問 1 有所成 與 則此氣自然發生於中不是只行 必也在狷乎看來這道理須是剛硬立得脚住方能 可以掩 襲於外而得之也孔子曰不得中行而與之 之氣若不由義而發則只是血氣然人所稟氣亦自 血氣如何曰只是一氣義理附於其中則為浩然 同有稟得盛者則為人強壮隨分亦有立作使之 兩事合義便謂

(P)り巨 Aimin 如果朱子全書 孟子養氣一章大綱是說箇仰不愧於天俯不怍於人 無限量 解有所立作唯是養成浩然之氣則却與天為一 做事亦隨分做得出若稟得弱者則委靡異懦都不 自張王無所不達如今人非不為善亦有合於道義 如何曰道義是虚底物本自孤單得這氣帖起來便 上面從北宫熟孟施舍說將來只是箇不怕但二子 不怕得粗孟子不怕得細或問合而有助助字之訓 手 ;

問他書不說養氣只孟子言之何故曰這源流便在那 金月正居人一 者若無此氣便只是一箇衰底人李先生回配是觀 貼起來又曰若說道觀貼却是兩物氣與道義只是 説配字極親切 心廣體胖內省不疾夫何憂何懼處来大抵只是這 箇氣又不是別將箇甚底去養他但集義便是養 滚發出來思之一滾發出來說得道理好觀貼字 知言便是知得這義人能仰不愧俯不作時看這 卷二十

次足四車全書 即 柳寨朱子全書 問治然之氣如何看曰仁義禮智充溢於中醉然見面 賣遠矣如何便自反而縮十萬人吾往矣只此勇為 膩然非孟子本意此段須從頭看來方見得孟子本 益背心廣體胖便自有一 意孟子當初如何便當大任而不動心如何便過孟 細考之當初不是說不及此只門 不懼便是有浩然之氣此說似粗而實精以程子說 般浩然氣象曰此說甚細 人記錄緊要處脱 丰二

氣自是浩然塞乎天地之間

為主有此治然之氣去助他方勇敢果決以進如這 日此語已精如有正將又立箇副將以配他乃所以 助 作這氣便能浩然問配義之配何謂合而有助之意 不可分作兩氣人之言語動作所以充淌於一身之 事合當恁地做是義也自家勇敢果決去做便 他天下莫強於理義當然是義總名是道以道義 -者即是此氣只集義積累到充盛處仰不愧俯 兩字便和全意失了浩然之氣只是這血氣之氣 欽定四庫全書 即原來子会情 貴於養其氣問氣壹則動志這氣字是屬氣否曰亦 便成忽厲之氣所以古人車則有和鸞行則有佩 是飲然之氣只是一氣餒了便成飲然之氣不調和 氣去助此義如合說此話却忍縮不對便是氣餒便 過臣諫之是義也有到冒死而不顧者便是浩然之 有這浩然之氣去助他有人分明知得合當恁地做 不必把作厲氣但動志則已是不好底氣了志動氣 又恧縮不敢去做便是餒了無此浩然之氣如君有

1

則能 是氣便餒而不充了問配者助也是氣助道義而行 義兩相為用否曰是兩相助底意初下工夫時便自 恐成二物 否曰氣與義自是二物只集義到充盛處 成此浩然之氣則氣與義為一矣及配助義道則又 子當初乃剩說此一 又曰集義所生是氣又因義集而後生莫是氣與道 者十九氣動志者十一須是以志為主無暴其氣孟 強壮此氣便自浩然所以又及來助這道義無 向所以公孫丑復辯問集義到

欽定四庫全書 人 柳幕宋子全書 古註及程氏皆將至大至剛以直做一句據某所見欲 義上這四句却是箇炮炙煅煉之法直只是無私曲 集義只是事事皆直仰不愧於天俯不怍於人便是 養氣皆謂在必有事馬而勿正心勿忘勿助長四句 將至大至剛為一句以直養而無害為一句令人說 而行 上要緊未必在此樂頭只在那以直養而無害及集 集義然後生那浩然之氣及氣已養成又却助道義 手

誠樂莫大馬無欠闕也以此見浩然之氣只是一箇 皆備於我反身而誠樂莫大馬亦只是箇無虧欠君 本自無虧欠只為人有私曲便欠却他底且如萬物 取曰是文蔚問塞天地莫只是一箇無虧欠否曰 然有此氣象文蔚云所以上蔡説於心得其正時識 浩然之氣而今只將自家心體驗到那無私曲處自 .臣忠父慈子孝自家欠却他底便不快活反身而 不愧於天俯不作於人王德脩云伊川却將至大 他

遺書以李端伯所録最精故冠之篇首然端伯載明道 又E9年在15 即果朱子全書 道錄伊川之言則曰先兄無此說斷然以至大至剛 至剛以直與坤卦直方大同說曰便是不必如此且 趙注舊當用之後來反復推究却是至大至剛作 卿 所言以至大至剛為句以直養二字屬下句及楊遵 只將孟子自看便見孟子說得甚粗易却說得細 以直為一句二說正相抵牾曰至大至剛以直趙臺 如此解直養之說伊川嫌其以一物養 丰四 一物故從

銀河正是人工 問塞乎天地之間曰天地之氣無所不到無處不透是 川又自主張得別故有此議論令欲只從明道之説 句以直養而無害作一句者為得孟子之意蓋聖賢 義之說亦然端伯所記明道語未必不親切但忠伊 他氣剛雖金石也透過人便是禀得這箇氣無欠關 也 立言首尾必相應如云自反而縮便有直養意思集 所以程子曰天人一也更不分別浩然之氣乃吾氣 卷二十

钦定四庫全書 即 都暴朱子全書 能如此以上 樣人畏避退縮事事不敢做只是氣小有一樣人未 **飯却甚小也又曰浩然之氣只是氣大敢做而今一** 也養而無害則塞乎天地 氣蓋世便是這樣氣人須是有蓋世之氣方得又曰 國是他養得這氣大了不怕他又也是他識道理故 如古人臨之以死生禍 必識道理然事事敢做是他氣大如項羽力拔山兮 條語 類 福而不變敢去罵賊敢去徇 為私意所蔽則慊然而 **三**五

至大至剛只合四字為句以直養而無害此直字便是 問 當即自然無所愧作意象雄豪所以雖當大任而無 所畏懼耳推其本原固未有不立敬而能集義者然 伊川云養志莫如敬以直內此是就未發上說孟子 此章之意則未及夫敬字也此自程子門庭工夫因 所謂自反而縮以直養而無害集義所生皆指事而 上文縮字下文義字孟子之意只是說每事做得是 説出來耳 答 子 约 В

次定四車全書 · 即果木子全省 配義與道配從而合之也氣須是随那道義如云地配 則道是體義是用體是舉他體統而言義是就此 本道義是形而上者氣是形而下者若道義別而言 為救告子義外之失而始為此言也各潘雜之。 發處說各是一義自不妨內外之交養不可說孟子 諭養氣只合就已發處說程子說養志自是當就未 天地須在天後隨而合之婦配夫亦然畢竟道義是 言就已發上說孟子方辯告子故專救其偏曰孟子 其為氣也配義與道無是餒也配合也義者人心節制 配義與道如云人能弘道 問氣之所配者廣矣何故只說義與道曰道是體義是 然之理義則吾心之能斷制者所用以處此理者也 義 也所以慈孝所以仁敬則道也故孟子後面只說集 事所處而言如父當慈子當孝君當仁臣當敬此義 程子曰在物為理處物為義道則是物我公共自

次一足四事 全事 即原本子全書 問浩然之氣集義是用工夫處否曰須是先知言知言 則義精而理明所以能養治然之氣知言正是格物 積善 矣氣者道義之成質故必集義乃能生之集義猶言 其無此則如食之不飽雖欲勉於道義而亦無以行 義初不相離而道義之行得以沛然無所疑憚者若 而道義復東氣以行無異體也得其所養則氣與道 之用道者人事當然之理餒不飽也氣由道義而有 華

金ジ 言勿求於心不得於心勿求於氣只是一 敵 集義而生此治然之氣氣只是充乎體之氣元與天 無勇銳配義與道者配是相合而有助譬如與人 天地今人心中才有歉愧則此氣自然消餒做事更 地 為仁不知其非仁將以為義不知其非義則將 又得一 相流通只是仰不愧俯不作自然無恐無懼塞乎 知尚不知言則不能辨天下許多淫邪該追將以 人在後相助自然愈覺氣勝告子不得 一味勃然 何 斸

U Ji

1:1

是集義所生是氣是積集許多義理而生非是将義去 或問集義曰事事都要合道理才有些子不合道理心 とこり 自己等 膩爾 底不動心告子是死底不動心 下便不足才事事合道理便仰不愧俯不作因云如 分明直前不畏爾孟施舍北宫熟便粗糙曾子便細 面襲取掩撲此氣來粗說只是中有主見得道理 朝沙 御簾末子全書 ミナハ

顧義理如此養氣則應事接物皆去不得孟子是活

銀万口屋有書 問集義是以義為内義襲是以義為外否曰不必如此 Jt. 氣實生於中如北宮熟孟施舍之勇亦自心生又問 也蓋義本於心不自外至積集此義而生此氣則此 說此兩句是掉轉說如云我固有之也非由外鐮我 而得之曰集義是集衆義故與只行一事相對說襲 無些子室礙 註云非由只行一 章初看道如何得許多頭緒恁地多後來看得 7 事偶合於義便可以掩嚴於外

次已四年全書 柳原朱子全書 自非生知須是一一見得合義而行若是本初清明自 集義謂如十事有一事不合義則便有愧須是集聚衆 義而搏出此氣也 然行之無非是義此舜由仁義行者其他須用學知 凡事有義有不義便於義行之今日行 義然後是氣乃生非義龍而取之非是於外求得是 行有積集工夫者也 猶兵家掩罷之罷出其不意如劫寨相似非順理而 一義明日行 三十九

問集註云告子外義蓋外之而不求非欲求之於外也 所論義聚猶未離乎舊見大抵既為聖賢之學須讀 非義嚴而取之見江西人只愛說義襲不知如何嚴 賢之書既讀聖賢之書須看得他所說本文上下意 是說非以義掩取是氣蓋氣由內而生非由外而 而生 日告子直是将義屏除去只就心上理會以上 義積累既久行之事事合義然後浩然之氣自然 條語 姰

飲定四庫全書 即暴朱子全者 豈可得而掩取哉告子乃不知此而以義為外則其 潜往掩蘇而取之於外也其曰行有不慎於心則餒 **矣者言心有不慊即是不合於義而此氣不生也是** 内也其曰非義嚴而取之也言此氣非是所行之義 是集義所生者言此氣是積累行義之功而自生於 孟子答公孫丑問氣一節專以浩然之氣為主其曰 得如今為學工夫固非可以懸空白撰而得之也如 義字字融釋無室礙處方是會得聖賢立言指趣識 四十

其精微者故於學聚問辨之所得皆指為外而以為 非義之所在遂一切棄置而不為此與告子之言雖 也然告子之病蓋不知心之慎處即是義之所安其 不知心之慎與不慎亦有必待請學省察而後能察 因孟子之言却有見得此意而識義之在內者然又 然不動也故又曰我故曰告子未當知義以其外之 不順處即是不合於義故直以義為外而不求令人 不動心也直強制之而頑然不動耳非有此氣而自

孟子之意須從上文看其為氣也配義與道無是餒也 氣下兩句是字與非字為對能字與生字為對其意 是集義所生者非義襲而取之也此上三句本是說 精微氣質之偏蔽皆所不察而其發之暴悍狂率無 若小異然其實則百步五十步之間耳以此相笑是 同浴而譏裸程也由其所見之偏如此故於義理之 出於人欲之私也平以 所不至其所慨然自任以為義之所在者或未必不

次定四軍全書 柳葉朱子全書

四十二

閩中人李復字履中及識横渠先生紹聖問為西追使 者博記能文今信州有潏水集者即其文也其間有 平峇 父項 賢言語都錯看了又復将此草本立一 論孟子養氣者動必由理故仰不愧於天俯不怍 說狂哮衆生恐其罪不止如范甯之議王弼而巳也 蓋曰此氣乃集義而自生於中非行義而襲取之於 外云爾非謂義不是外襲也今人讀書不予細將聖 切法横說豎

金グレル

1: 1:1

巻ニナ

とこりる Artenin 御原木子全首 必有事馬而勿正趙氏以希望之意鮮正字看來正是 是則明有人非幽有思責自歉於中氣為之喪矣故 論多以過髙而失之甚者流於老莊而不知不若此 曰無是餒也此語雖疎然却得其大旨近世諸儒之 讀故表而出之偶讀題記〇 說之為得也惜其亂於詩文博雜之中學者或不之 如此但說得不甚分明令以為期待之意則文理 ۲.۲ 四十二

地無憂無懼其氣豈不充乎故曰是集義所生者舍

多万四月分言 問必有事馬而勿正之義曰正猶等侍之意趙岐解云 當從事於此而勿便等待其效之意或問此便是助 重複蓋必有事於此然後心不忘於此正之不已然 矣譬之裁木初裁即是望其長望之之久而不如意 長否曰正未是助長待其效而不得則漸漸助之 出不正反戰不正勝之正古人用字之意如此言但 後有助長之患言意先後各有重輕 可望其福雖說意粗了其文義却不錯此正如師

勿忘勿助長本連上文集義而言故勿忘謂勿忘集義 者先難而後樣治曰先解勿正字頗有後獲之意曰 也一言一動之間皆要合義故勿忘助長謂不待其 義則并與其意而失之耳 之言條理精密往往如此但看得不切錯認了他文 頗有此意曰如此解則於用功處儘有條理曰聖賢 則握苗矣明道曰下言之漸重此言却是後因論仁 充而強作之使充也如今人未能無懼却強作之道

火足四軍全書 题 如源朱子全者

四十三

養氣一章在不動心不動心在勇勇在氣氣在集義勿 問 金りし 必有事馬而勿正二程多主於敬 忘勿助長又是那集義底節度若告予則更不理會 我不懼未能無惑却強作之道我不惑是助長也有 言之得失事之是非氣之有平不平只是硬制壓那 事有事於集義也勿正謂勿預等待他聽其自充也 承上文是集義所生者而言所謂必有事則積集衆 心便不動恰如說打硬脩行 巻ニナ 一般類四條 説須當集義是

欽定四庫全書 即 如果宋子全首 某舊說孟子先說知言而公孫丑先問養氣者承上文 是末梢尖處湏用自上說下來方得有序也又曰公 學所論自脩身正心却說到致知格物蓋致知格 言是那後面合尖末梢頭處合當留在後面問如大 方論志氣而言也令看來他問得却是有意思蓋知 德 父 〇 移將去敬字上說非孟子本意也集注亦可細翫 文 善工夫否曰孟子上下文無敬字只有義字程子是 集 四十四

問該淫邪遁曰該只是偏該如人足跛相似斷行不 者皆偏而不正斷行不得便是蔽於此了至淫辭 不 且 是孟子自作此書潤飾過不可知 孫五善問問得愈密盛水不漏若論他會恁地問 不當云軻之死不得其傳不知後来怎生不可曉或 說得愈汎濫陷溺於中只知有此而不知有他也 楊墨說為我無爱豈有人在天地問孑然自立都 涉著外人得又宣有視人如親 例無爱得此 得 則 則

 次定四軍全書 甚麼底力量却纖悉委曲都去理會直是要這道理 無些子虧欠 底節目都以次第而壞矣因云孟子是甚麼底資質 此心便大綱已壞了至發於其政害於其事則是小 撰出來也先生又云生於其心害於其政者是才有 得窮後其理既屈自知去不得便別換 夷之説施由親始之類這一句本非他本意只臨時 邪辭則是陷溺愈深便 即原本子全書 向離了正道追解則是說 四十五 箇話頭如

或問該淫邪遁四者相因之說曰該字是遮了一追只 該淫邪道蔽陷離窮四者相因心有所蔽只見一邊不 台グレノイニ 追長一邊短皆是只有一邊之意淫解知其所陷淫 見一追如陂字亦是一邊髙一邊低跛字亦是脚 不去也故其辭追追如夷之之言是也 被而不平蔽則陷溺深入之義也故其解放蕩而過 **简則離離是開去愈遠也故其解邪離則窮窮是說** 見一 過如楊氏為我墨氏煎爱各只見一邊故其辭

とこり見た 問程子說孟子知言譬如人在堂上方能辨堂下人曲 直所謂在堂上者莫只是喻心通於道者否曰此只 討物理前来遮蓋 了那道理既是不正無緣立得住便至於適適則多 只是見偏了猶自是道理在然只管淫而不止便失 道理該是少了那一 便是就所該處多了被他只看得這一邊都蓋了那 邊如人類在水裏只見得那水更不見有平正底 图/即原朱子全書 **邊淫是添了這一邊然該與淫** 四十六

孟子之學盖以窮理集義為始不動心為效蓋唯窮理 問孟子知言處生於其心害於其政先政而後事閥楊 金月四月百十 是言見識高似他方能辨他是非得失若見識與他 墨處說作於其心害於其事先事而後政曰先事而 後政是自微而至著光政而後事是自大綱而至節 目 為能知言唯集義為能養其浩然之氣理明而無所 般 類以 六上 如何解辨得他 族語 卷二十

問顏子具體而微微是微小或隐微之微曰微只是 問善為說解則於德行或有所未至善言德行則所 次定四車全書 問浩然之氣後面說伯夷伊尹孔子是則同處曰後面 自是散說出去不須更四引前頭這裏地位極高浩 然文意不在小字上只是說體全與不全 皆其自己分上事也曰此說得之谷程允夫 次第可見矣與 疑氣充而無所懼故能當太任而不動心考於本章 御蔡朱子全書 沖 梅郭 四十七 0 條 1,7 言 ,]-

定不肯将一豪之私來壞了這全體古之聖人其大 然之氣又不足言不湏更說氣了有百里之地則足 弗 甚麽樣氣象大段是極至處了雖使可以得天下然 以有天下然行一不義殺一不辜則有所不為此是 根脚同處皆在此如伊尹非其義也非其道也一介 不以與人一介不以取諸人繫馬千腳禄之以天下 而 视 **弗爾與此所論** 不同則不足以言聖人矣 般聖人同處大縣皆在此於

欠足四事人上事 一一即暴朱子全首 伯豐問見具禮而知其政聞其樂而知其德是謂夫子 是謂他人曰只是大縣如此說子貢之意蓋言見人 夫子之見者此子貢所以知其為生民以來未有也 子之聖如此也一 謂自生民以來未有孔子此子貢以其所見而知夫 世之後等百世之王莫有能違我之見者所以斷然 之禮便可知其政聞人之樂便可知其德所以由百 之樂而知其德由百世之後等百世之王莫有能逃 說夫子見人之禮而知其政間人 四十八

問 以德行仁者王所謂德者非止 金ダログ 以力假仁以他行仁曰以力假仁仁與力是兩箇以 然不如前說之順 **德行仁仁便是德德便是仁問霸字之義曰霸即** 心這德字又說得闊是自己身上事都做得是無 也漢書引哉生魄作哉生霸古者霸伯魄三字通用 不倫了所以行出去便是仁與上 以力假仁章 類以三上 Ξ 語 胨 謂有救民於水火之誠 條語 伯

欠包回事公 仁則榮不仁則辱此亦只是為下等人言若是上等人 顧者政此謂也 得他畏危亡之禍而求所以比附其民猶勝於全不 以後王之私言之不求下民之附則危亡至矣蓋且 他豈以榮辱之故而後行仁哉伊川易傳比彖解有 云以聖人之心言之固至誠求天下之比以安民也 學賢使能章 則榮章 一一一种原木子全書 翔語 四九

市廛而不征問此市在何處曰此都邑之市人君國 **賈百物皆入馬賦其廛者謂以其市地錢如今民間** 禮司市平物價治争訟譏察異服異言之類市中 皆在馬後一 則君之宫室宫室前一區為外朝凡朝會藏庫之屬 而 如 舖面錢盖逐末者多則賦其廛以抑之少則不 井田樣畫為九區面朝背市左祖右社中間一區 但治 以市官之法所以招徕之也市官之法如周 區為市市四面有門每日市門開則商 廛 都

金厂口

から言

問 問塵無夫里之布周禮宅不毛者有里布民無職事出 久己切与上台 四 御幕朱子全書 市廛而不征法而不廛曰此等制度皆不可詳大抵 則有罰如國君過市則刑人赦夫人過市則罰一幕 邑居者必有歷稅市區亦應有之耳谷矣伯 類左右各三區皆民所居而外朝一區左則宗廟方 世子過市則罰一帶命夫命婦過市則罰一蓋惟之 民乃得入凡公卿大夫有爵位及士者皆不得入 則社稷在馬此國君都邑規模之大縣也 五十 颗韶 豐

金少也压力 困不可開眼 民泰然都不管他因說浙問農民丁錢之重民之彫 畝之稅一家力役之征如何罰得恁地重曰後世之 十五家之布不知一里二十五家之布是如何曰亦 夫家之征鄭氏謂宅不種桑麻者罰之使出一里二 不可考又問鄭氏謂民無常業者罰之使出一夫百 與此正相反農民賦稅丁錢却重而游手浮浪 人皆有不忍人之心章 類語 卷二十 之

問天地以生物為心而所生之物因各得夫天地之心 天地以生物為心天包著地別無所作為只是生物而 人皆有不忍人之心者是得天地生物之心為心也盖 **印難做著箇以生物為心** 已亘古亘今生生不窮人物則得此生物之心以為 無天地生物之心則沒這身才有這血氣之身便具 心所以箇箇肖他本不湏説以生物為心緣做箇語 天地生物之心矣

飲足四軍全書 一次 你暴朱子全書

五十二

天地以生物為心譬如既蒸飯氣從下面深到上面又 是生物不似人便有許多應接所謂為心者宣是切 在這果無出處滚一番便生一番物他別無勾當只 子如此所以生物無不肖他 惻怛之心又曰人物皆得此理只緣他上面一箇母 温 滾下只管在裏面深便蒸得熟天地只是包許多氣 以為心所以人皆有不忍人之心曰天地生物自是 一般和煦這箇便是仁所以人物得之無不有慈爱

炎定四車全書 非由內也且如乍見孺子入井時有惻隐若見他人 有之便是两人相夾在這裏方有惻隐則是仁在外 只有一箇人也自有這惻隐若謂見人我一 相似只管磨出這物事人便是小胞天地是大胞人 首圖象天足方象地中間虚包許多生氣自是惻隐 切然去做如云天命之豈諄諄然命之也但如磨子 不是為見人我一 井時也須自有惻隐在此録作者 御察末子全書 理後方有此惻隐而今便教單獨 未見 足 五二 理而後 問怵

方其作見孺子入井時也著脚手不得縱有許多私意 問 惕莫是動處因怵惕而後惻隐否曰不知孟子怎生 要譽鄉黨之類也未暇思量到但更遲霎時則了不 明世間事若出於人力安排底便已得若已不得底 便是自然底 如何是發之人心而不可已曰見孺子將入井惻隐 之心便發出來如何已得此樣說話孟子說得極分 尋得這四箇字恁地好 卷二十 久下已四年人日·自司 即蔡末子全書 如 何處一 敬事有是非必辨別其是非試看是甚麼去感得他 羞惡偶遇一人衣冠而揖我我便亦揖他如何不恭 孺子入井如何不推得其他底出來只推得惻隐之 自惻隐中發出來因有惻隐後方有此三者惻隐比 得也是非解遜羞惡雖是與惻隐並說但此三者皆 心出來盖理各有路如做得穿窬底事如何令人 三者又較大得些子 般出來 至三

問滿 或問淌腔子是惻隐之心曰此身軀殼謂之腔子而令 幾觸著便是這箇物事出来大感則大應小感則小 便痛故日用所當應接更無些子間隔癢病疾痛莫 便闕了他一分曰只是滿這箇驅殺都是惻隐之 應 淌身知痛處可見 相関纜是有些子不通便是被些私意隔 腔子是惻隐之心只是此心常存幾有一 恰似大段痛傷固是痛只如鍼子略挑些血出也 分私意 3 10

金グロカノニー

てこりがとら 王丈說孟子惻隐之心一 因感時識得此體平時敬以存之久久會熟善端發 感得出来如何強要尋討出此心常存在這裏只是 充而達之不知如何要常存得此心曰此心因物 在這驅殺裹腔子是洛中俗語又問惻隐之心固是 滿腔子是惻隐之心如何是滿腔子曰淌腔子是**只** 處益見得分晓則存養之功益有所施矣 人心之懿因物感而發見處前輩令以此操而存之 御察朱子全書 段論心不論性曰心性只是 五十四 カ

釤公 四 端未是盡所以只謂之端然四端八箇字每字是 深盖者盖已之非惡者惡人之惡辭者解已之物讓 意 ىالا 侧 世后台電 義便如陰陽若說四端便如四時若分四端 説 箇 讓與他人是非自是兩樣分明但仁是總名若說 惻是側然有此念起隐是側然之後隐痛比 隐之心是心仁是性三者相 極 物事離不得孟子說四端處最好看側 好 因 横渠云心統性 隐是情 惻是 信情

欠三旦事主生 一個幕朱子全書 問喜怒哀樂未發已發之別曰未發時無形影可見但 肝耳屬腎若視不明聽不聰必是肝腎有病若視之 必有這義在裏面故發出來做羞惡之心譬如目屬 這仁在裏面故發出來做惻隐之心羞惡之心屬義 於已發時照見謂如見孺子入井而有怵惕惻隐之 心便照見得有義在裏面盖這惻隐之心屬仁必有 便如八節 心便照見得有仁在裏面見穿窬之類而有羞惡之 五十五

金少 見得是便有是之之心見得非便有非之之心從那 箭之類便有羞惡之心見尊長之屬便有恭敬之心 便自是發出來故見孺子入井便有惻隐之心見穿 箇斷制底心惟是先有這物事在裏面但隨所感觸 縫罅裏迸將出来恰似賓塔裏面四面豪光放出來 又云孟子此一章其初只是匹空間容易說出来然 有惻隐之心只是箇爱底心義未有羞惡之心只是 明聽之聽必是肝腎之氣無虧方能如此然而仁未

次定四車全書 國 御寒木子全書 惻隐是箇腦子羞惡辭遜是非須從這裹發来若非惻 問前面專說不忍之心後面煎說四端亦是仁包四者 隐三者俱是死物了惻隐之心通貫此三者 否曰然 是曾子子思後來講來講去講得精所以孟子說得 說得來連那本末內外體用精粗都包在裹面無些 来恁地若子思亦只說得箇大體分曉而已 欠關處如孔子許多門弟都不曾恁地說得分曉想 ; 至

問四端之根於心覺得 端乃孔子所未發人只道孟子有關楊墨之功殊 带義意思惡於其所以傷便湏惜其本来之未嘗傷 這是義帯仁意思曰也是如此嘗思之孟子發明四 連而至者如惻隐於所傷便惡於其所以傷這是仁 便是禮知其所以然便是智曰然問據看来多是相 事親孝是爱之理才孝便能敬兄便是義問有節文 曰這四箇界限自分明然亦有隨事相連而見者如 者總動三者亦自次第而見 欠正四重主動 即即暴朱子全書 伊川嘗說如今人說力行是淺近事惟知為上知最為 箇是活潑潑地 說智本來是藏仁義禮惟是知恁地了方恁地是 緊質孫問孟子四端何為以知為後曰孟子只循環 要緊中庸說知仁勇把知做辨初頭說可見知是要 端是安社稷之功若常體認得來所謂活潑潑地真 楊墨亦不攻而自退闢楊墨是扞追境之功發明四 知他就人心上發明大功如此看来此說那時若行 五十七

金グレノイニ 行后不省方 無終安得有始所以易言先王以至日閉関商旅不 發露只管養在這裏到春方發生到夏一齊都長秋 陽初動這生意方從中出也未發露十二月也未盡 亨利意思在裏面如春夏秋冬冬是智冬却藏春生 禮義都藏在智裏面如元亨利貞貞是智貞却藏元 漸成漸藏冬依舊都收藏了只是大明終始亦見得 夏養秋成意思在裏面且如冬伏藏都似不見到 卷

次定四車全書 四年来子全書 劉居之問人皆有不忍人之心一節曰惻隐之心仁之 至問凡有四端於我者知皆擴而充之矣莫是知得 始達 矣字文意不斷充是淌其本然之量却就上有擴字 擴充則此道漸漸生長如火之始然泉之始達中間 端也乍見孺子入井此只是 則是方知去推廣要充淌他所以如火之始然泉之 方能擴而充之否曰知皆擴而充之即是尚能知去 件事仁之端只是 五十八

皆擴而充之矣知方且是知得如此至說到尚能充 然始達字相應充字與保四海相應才知得便自不 地其他事皆恁地如羞惡解逐是非不特於一件事 推廣充滿得自家本然之量不特是孺子入井便恁 萌芽處如羞惡辭遜是非方是義禮智之萌芽處要 能已若火始然便不可遏泉才達便涓涓流而不絕 之足以保四海即掉了擴字只說充字蓋知字與始 上恁地要事事皆然方是充淌慊足無少欠闕也知

巻二十

次定四車全書 四與東本子全書 人於仁義禮智惻隐羞惡辭遜是非此四者湏當日夕 凡有四端於我者知皆擴而充之只是要擴而充之而 體究令分晓精確此四者皆我所固有其初發時豪 齊宣不忍於一牛而却不爱百姓嗨爾之食則知惡 要就這處理會 而弗受至於萬鍾之禄則不辨禮義而受之而今則 不惻隐處有羞惡處又有合羞惡而不羞惡處且如 今四端之發甚有不整齊處有惻隐處有合惻隐而

桑九

人只有箇仁義禮智四者是一 時發動特人自不能擴充耳义言四者時時發動特 有所以然也只此便是日用間做工夫處 帲 其發處體驗擴充将去惻隐羞惡是非辭遜日間 曰 而 不羞當惡而不惡當解而不辭當逐而不避是其 知皆擴而充之且如人有當惻隐而不惻隐當羞 如也及推廣将去充滿其量則廣大無窮故孟子 非非其所是者皆是失其本心此處皆當體察必 卷二十 身網紐其他更無當於 時

欽定四庫全書 即與來子全書 問推四端而行亦無欠闕曰無欠闕只恐交加了合惻 子武問四端須著逐處擴充之曰固是機常常如此推 發 糊不分曉便是發錯了是非之心如一種不遜便是 有正不正耳如暴戾愚狠便是發錯了羞惡之心含 廣少間便自會密自會闊到得無間斷少問却自打 **餐錯了辭遜之心日間一正一反無往而非四端之** 合作一片去 六十

問人心陷溺之久四端蔽於利欲之私初用功亦未免 問恭敬却無當不當曰此人不當拜他自家也去拜 間 他便不是 端本是對著他後流出來恐不對窠臼子問不對窠 **隐底不惻隐合羞惡底不羞惡是是非非交加了四** 如惻隐之心勝則残虐之意自消羞惡之心勝則貪 臼子莫是為私意隔了曰也是私意也是不曉節又 斷曰固是然義理之心總勝則利欲之念便消且

飲定四車全書 四縣未子全書 黃景中萬老問仁兼四端意思理會不透日謝上蔡見 隐之心方會動若無惻隐之心却不會動惟是先動 說道見得惻隐之心公試思久之先生曰惟是有惻 冒無耻之意自消恭敬之心勝則驕惰之意自消是 明道先生舉史文成誦明道謂其玩物喪志上蔡汗 道上蔡聞得過失恁地惭皇自是羞惡之心如何却 流浃背面發赤色明道云此便見得惻隐之心公且 非之心勝則含糊尚且頑冥昏謬之意自消 六 十 二

問仁天之尊爵先生解曰仁者天地生物之心得之最 亦未嘗盡消滅自是有時而動學者只怕間斷了 非天地生生之理這些動意未當止息看如何格亡 惡者非羞惡所謂恭敬者非恭敬所謂是非者非是 惻隐若不會動却不成人若不從動處發出所謂 了方始有羞惡方始有恭敬方始有是非動處便是 粨 矢人豈不仁於函人章 條 羞

次定四車全書 即鄉朱子全書 問是與人為善當其取人之際莫未有助之之意否曰 至問集注云進不隐賢不枉道也似少字曰進不隐賢 道也有是心斯具是形以生也語 先如何是得之最先曰人得那生底道理所謂心生 乃是孟子再疊一意以發明之否曰然類 然曰三者本意似只是取人但有淺深而與人為善 子路人告之以有過則喜章 伯夷非其君不事章 六 十 二

問伯夷陆柳下惠不恭莫是後來之弊至此否曰伯夷 不屑去說文說屑字云動作切切也只是不汲汲於就 意看曰恁地看也得 賢凡有所蘊皆樂於發用然而却不妄進二句做兩 是枉道至云尋常看此二句只云進雖不敢自隐其 2 何 便是必以其道人有所見不肯盡發出尚有所藏便 リノノニ 於切 汲及於去屑字却是重地切急於 卷二十 就不 不以 以就去為 重 重而

欠足四車全書 柳家朱子全書 或問明道云此非瑕疵夷惠之語言其與必至於此今 伯夷既清必有隘處柳 觀伯夷與惡人處如以 自是如此孟子恐後人以隘為清以不恭為和故 果 自是有隘處柳下惠自是有不恭處且如雖袒裼裸 程於我側分明是不將人做人看了 柳下惠果似不恭者豈得謂其弊必至於此哉曰 似隘者柳下惠雖袒裼裸程於我側爾馬能流我 下惠既和必有不恭處道理 朝衣朝冠坐於塗炭則伯夷 六 十 三

溫公疑孟曰孟子稱所願學者孔子然則君子之行孰 金グモノ 不尤人宣非遗佚而不怨乎飲水曲肽樂在其中豈 委吏為乗田豈非不早小官乎舉世莫知之不怨天 立於惡人之朝乎為定哀之臣豈非不羞污君乎為 非其友不友乎陽貨為政於魯孔子不肯仕豈非不 非非其君不事與孺悲欲見孔子孔子解以疾豈非 先於孔子孔子歷聘七十餘國皆以道不合而去豈 **隘與不恭君子不由也與止** 條語

然與之偕而不自失乎是故君子邦有道則見那無 道則隐事其大夫之賢者友其士之仁者非隘也和 之何得云君子不由乎隐之辯曰孟子曰伯夷監柳 非阨窮而不憫乎居鄉黨怕怕似不能言豈非由由 必至於隘一於和其流必至於不恭其獎如是君子 **疵夷惠也而清和之弊必至於此蓋以一於清其流** 下惠不恭隘與不恭君子不由原孟子之言非是瑕 而不同避世無問非不恭也苟毋失其中雖孔子由

次定四車全事一即與朱子全書

六十四

也 是乃所謂時中也是罪人之時者也詎可與夷惠同 豈由之乎尚得其中雖聖人亦由之矣觀吾孔子之 聖之清聖之和也孟子固當以百世之師許之矣慮 之自然特立獨行而不變遂臻其極致此其所以為 日而語哉或謂伯夷制行以清柳下惠制行以和救時 之弊不得不然亦非知夷惠者尚有心於制行則清 行時乎清而清時乎和而和仕止久速當其可而已 和也豈得至於聖哉夷之清惠之和盖出於天性

金ダヤ

月ノーで

次定四車全書間仰暴水子全書 時乎清而清時乎和而和仕止久速當其可而已是 後之學者慕其清和而失之偏於是立言深救清和 之弊大有功於名教疑之者誤矣曰觀吾夫子之行 身而第二子之長與然則時乎清而非 論之固已曉然矣如温公之說豈非吾夫子一人之 求左驗而是非乃明也姑即溫公之所援以為說者 而語哉五十八字愚欲删去而補之曰然此不待別 乃所謂時中也是聖人之時者也記可與夷惠同日 於清矣是 六

為說者乃所以助孟子而非攻也又曰苟有心於制 與彼其清且和也蓋得於不思不勉之自然是以特 則方且勉強脩為之不暇尚何以為聖人之清和也 行至章末愚欲删去而易之曰使夷惠有心於制行 温暖而不能相通也以是言之則是温公之所援以 序非岩伯夷之清則一於寒凉柳下惠之和則一於 以清而不隘時乎和而非一於和矣是以和而未當 不恭其曰聖之時者如四時之運溫凉和暖各以其

重り

モノノニ

欽定四庫全書 柳朵米子全書 狐虚以方位言如俗言向某方利某方不利之類王 偏於是立言以救其末流之弊而又曰乃所願則學 孔子也其抑揚開示至深切矣亦何疑之有讀余 有同於孔子也又恐後之學者慕其清和而失之 立獨行終其身而不變此孟子所以直以為聖人而 焦 公孫丑下 天時不如地利章 华六 相 孟隐

問孟子將朝王齊王托疾召孟子孟子亦解以疾莫是 是也如見梁惠王也是惠王先來聘之既至其國或 指日時 說他不合來名蓋在他國時諸侯無越境之禮只因 以幣来聘故賢者受其幣而往見之所謂荅禮行義 以齊王不合托疾否曰未論齊王托疾看孟子意只 為賓師有事則王自來見或自往見王但名之則 孟子將朝王章 頻節 2 = + 次定四車全書 · 即都暴朱子全書 溫公疑孟曰孔子聖人也定哀庸君也然定哀召孔子 夫豈不義而曾子言之文勢似使管子而愚人也則可 若是義理不是則曾子豈肯恁地說 期上 可名之則有自尊之意故不往見也答陳代如不待 且不敢不恭况名之有不往而他適乎孟子學孔子 其掐而往何哉此以在他國而言答萬章天子不名 孔子不俟駕而行過位色勃如也足躩如也過虚位 師而况諸侯乎此以在其國而言 六十七 語

與事文武無異也宣得云彼有爵我有德齒可慢彼 哉孟子謂蚳電居其位不可以不言言而不用不可 齊齊王師之夫師者導人以善而救其惡者也豈謂 以不去已無官守無言責進退可以有餘裕孟子居 周公負之以朝諸侯及長而歸政北面稽首畏事之 他孰與周公其齒之長孰與周公之於成王成王幼 者也其道豈異乎夫君臣之義人之大倫也孟子之 之無官守無言責乎若謂之為貧而仕耶則後車數

飲定四車全書──**【**如暴朱子全書 使人來曰寡人如就見者也有寒疾不可以風朝將 德樂道為事方且情萬來之尊不肯先賢者之屈故 辭以疾欲使孟子屈身先之也孟予知其意亦辭以 視朝不識可使寡人得見乎探王之意未當知以尊 孟子以自况故不得不疑隐之辯曰孟子將朝王王 彼君子兮不素餐兮夫賢者所為百世之法也余懼 後之人挾其有以驕其君無所事而貪禄位者皆援 **十乗從者數百人仰食於齊非抱關擊析比也詩云** 交

當如是也為王之師則異矣記曰君之所不臣於其 **蚔 電為士師職所當諫諫之不行則當去為臣之道** 乃大臣輔等幼主非可與達尊縣而論也又孟子謂 乃自古人君通行之道也人君所贵者爵爾豈可慢 爵鄉黨莫如齒輔世長民莫如德夫尊有德敬者老 俟駕而行異矣又孟子曰天下有達尊三朝廷莫如 夫齒與德哉若夫伊尹之於太甲周公之於成王此 疾者非驕之也身可屈道其可屈乎其與君命名不 次定四軍全書-一一即暴朱子全書 将朝王矣而王以疾要之則孟子解而不往其意若 所謂有官守有言責者也其進退宣不綽綽然有餘 臣者二而師處其一尊師之禮的於天子無北面非 以王召我則非尊賢之禮矣如是而往於義何所當 曰自我而朝王則貴貴也貴貴義也而何不可之有 以驕其君無所事而貪禄位者過矣曰愚謂孟子固 裕哉孟子以道自任一言一行未曾少戾於道意謂 人君尊德樂道不如是則不足與有為而謂挾其有

介九

孟子之言也故曰通視其重之所在而致隆馬唯 尹周公之前矣其迭為屈仲以致崇極之義不異於 至論輔世長民之任則太甲成王固拜手稽首於伊 聖者老而祇奉嗣王左右孺子不敢以其齒徳加馬 重之所在而致隆馬故朝廷之上以伊尹周公之忠 不相值則各伸其尊而無所屈一 公亦未深考耳孟子達尊之義愚謂達者通也三者 或相值則通視其

ゴント

哉若其所以與孔子異者則孟子自言之詳矣恐温

設定四車全書 ● 御暴朱子全書 王之為都左傳邑有先君之廟曰都看得來古之王者 曾為都處便自有廟人之廟不達如太王廟在岐文 其出處大聚矣請余隐之尊 是矣然亦豈不問其道之行否而食其禄耶觀孟子 與權者知之矣官守言責一職之守耳其進退去就 卒致為臣而歸齊王以萬鍾留之而不可得則可見 决於一事之得失一言之從違者也若為師則異於 孟子之平陸章

孟子荅沈同伐燕 都 王之為都又恐是周禮所謂都鄙之都周禮四縣為 沃入晉而其先君之廟則仍在曲沃而不徙也又曰 王廟也又如晉獻公使申生祭於曲沃武公雖自曲 之廟 廟在豐武王祭太王則於岐祭文王則於豐云編 類語 沈 同以其私問章 王朝步自周至於豐是自錦至豐以告文 章誠為未盡何以異於是之下

钦定四車全書 四即暴水子全書 勸齊伐熊如何曰孟子言伐燕處有四須合而觀之燕 無 齊有一大事如此而齊王不相謀孟子豈可更居齊 更說是弔民伐罪不行残虐之主方可以伐之如此 孟子亦必以伐之為是但不意齊師之暴虐耳不然 乃善义孟子居齊許久伐熊之事必親見之齊王乃 承此誤然亦有不可曉者 耶史記云鄒人孟軻勸齊代燕云此湯武之舉也想 語謀於孟子而孟子亦無一 語諫之何也想得 七十一

鄭公藝圃折衷曰孟子謂沈同曰子喻不得與人與子 曰若殺其父兄係累其子弟則非孟子意也與二條 於子則可乎大夫爵禄制於諸侯是誠古之道也孟 軻既教齊梁滕之君使自為湯武則是諸侯未當受 而私與之吾子之禄爵夫士也亦無王命而私受之 之不得受燕於子噌有仕於此而子悅之不告於王 不伐亦不曾教齊必伐但曰為天吏則可以伐之又 之父子君臣如此固有可伐之理然孟子不曾教齊 者正欲其行仁義而知有王制云爾豈可謂夏商在 於王制也其意曷嘗不存周哉勸齊梁滕之為湯武 仕於此而子悅之不告於王而私與之吾子之祿**爵** 命於天子也沈同不敢以爵禄私人齊制之也子噲 夫士也亦無王命而私受之於子則可乎者是約熊 沈同日子會不得與人熊子之不得受熊於子會有 王制而不能約齊梁滕於古道也隐之辯曰孟子告 不敢以熊私人將復誰制之哉何孟軻獨能約熊以

· 实定四軍全書 一個暴朱子全書

七十二

作周不受於紂而無罪辯謂鄭氏以仁義為迂闊 義為迂闊不切時務不若進富國強兵之術也若其 變事而不知其權者也勸其君行仁義以為不道者 唯罪湯武之征伐掩善楊惡豈得為公論亦可謂處 子故子喻之讓為無王天子受命於天故文王受命 誠然商鞅之徒為之孟子不為也曰諸侯受國於天 余知之矣彼非以仁義為不美也但急於近功謂仁 而湯武不得行仁義與湯武行仁義無一言及之 次定四軍全書 一一柳栗朱子全書 安卿問周公誅管綦自公義言之其心固正大直截自 未然第恐者商鞅之談帝道爾讀余恩之尊 過本是怕武庚叛故遣管蔡霍叔去監他為其至親 可恃不知他反去與武庚同作一 周公當初做這一事也大段疎脫他也看那兄弟不 過不亦宜乎曰是但他宣得已哉莫到恁地較好看 私恩言之其情終有不自淌處所以孟子謂周公之 燕人畔章 孟辩〇 一黨期語 七十二

陳希真問孟子去齊處集注引李氏説憂則違之而荷 於去也 曹之心同蓋聖賢 爱世濟時之心誠非若荷贄之果 荷黃果於去不若孟子遲遲吾行蓋得時行道者聖 **蕢所以為果如何曰孟子與荷蕢皆是憂則違之但** 人之本心不遇而去者聖人之不得已此與孔子去 滕文公上 孟子去齊章 類語 おニナ

孟子道性善言必稱堯舜須看因何理會箇性善作甚 孔子罕言性孟子見滕文公便道性善必稱堯舜恰似 性善故人皆可為堯舜必稱堯舜所以驗性善之實 て三日早上島 底 則為善必力去惡必勇今於義理須是見得了自然 孟子告人躐等相似然他亦欲人先知得 理有不得不然若說我要做好事所謂這些意能 滕文公為世子章 御暴未子全書 箇本原

劉棟問人未能便至堯舜而孟子言必稱之何也曰道 多月口屋と 孟子初見滕世子想是見其資質好遂即其本原 得幾時子 技藝未精也人到得堯舜地位方做得一箇人無所 舜為法如射者之於的箭箭皆欲其中其不中者其 堯舜者是他力量不至固無可奈何然人須當以堯 性善與稱堯舜二句正相表裹盖人之所以不至於 欠關然也只是本分事這便是止於至善 卷二十

|符舜功問滕世子從孟子言何改後來不濟事曰亦是 飲定四車全書 题 柳葉木子全書 當時放理之言想見甚好惜其不全記不得一 其復見孟子孟子見其領略未得更不說了只是發 為他啟她了世子若是負荷得時便只是如此了及 他志但得於此勉之亦可以至彼若更說便漏逗了 見甲未管立定得志且如許行之術至淺下且延之 吾言乎則是知性不的他當時地步狹本難做又識 信不寫如自楚反復問孟子孟子已知之曰世子疑 とする 觀

孟子見人即道性善稱堯舜此是第 覵顏淵公明儀三段說話教人如此發情勇猛向前 無別法若於此有箇奮迅興起處方有田地 病痛若信不及孟子又說箇第二節工夫又只引成 透信得及直下便是聖賢更無一豪人欲之私做 日用之間不得存留一聚人欲之私在這裏此外更 此可見知上 不然即是畫脂鏤冰無真實得力處也答菜 條語 一義若於此看 文 得 得 叔

大江四草全書 即原本子全書 因說今日田賦利害曰某當疑孟子所謂夏后氏五十 古宗法如周公兄弟之為諸侯者則皆以魯國為宗至 今欲處世事於陵夷之後乃一 戰國時滕猶稱曾為宗國也以上語 孟子於滕文公乃云諸侯之禮吾未之學便說與齊 疏之服釬粥之食哭泣盡哀大綱先正了 滕文公問為國章 滕定公薨章 向討論典故亦果何益 七十六

問周 親見只是傳聞 田 力了岩自五十而增為七十自七十而增為百 而貢殷人七十而助問人百畝而徹恐不解如此先 U 計 間 |疆理天下之初做許多畎溝澮洫之類大段費 百百 畝而分必大謂井田與溝洫之制 有溝都鄙用助法八 許多疆理都合更改思無是理孟子當時未 1:11 畝 而 徹集注云 如 此 卷二十 恐亦難盡信也 一夫授田 家同井 百 耕則通力而作 畝鄉 類語 同而近 遂用貢法 畝 收 則

火冠四車全對 即原外身外子全首 相統 近年新說只教畫在紙上亦畫不成如何行得且若 可勝言聖人立法必不如此也 如此則有田之家一 其畝亦未可知也鄉遂都鄙田制不同周禮分明 徹而耕之說推之耳或但耕則通力而耕收則各得 何以考之也曰此亦不可詳知但因洛陽議論中通 水嘉諸公及余正父皆謂鄉遂都鄙初無二制不知 官司既難稽考民間易生弊病公私煩擾 處受田一 **處應役彼此交互難** 伯荅 キャ 如

實皆什一 湏 貢助異法貢則直計其五畝之入自賦於官助法 成 然此亦大縣依約不見古法果如何且當取其大 則須就公田七十畝中尅除廬舍而實計則亦可揍 儒之舊但此却只說得百畝而徹耳七十而助之 之略通可也如來諭商人以七畝為助此語亦 什 計公田之中八家各助七畝只得五十六畝其 Į 一注中必是不曽説此一 說記得亦用廬舍折除公田二十畝如 節此問無本檢不 疎

Ţ

1:1:1

欽定四庫全書 條 害為十之一矣周人未管專用九一也谷林一之〇 取 鄉遂溝洫用貢法而自賦自不妨十分取 除廬井則為十分取一如前所云固自分明周 方成八家各助耕公田七畝也如謂某說商人九分 井田用助法則為九一 一周人十分取一恐亦非某本文商人九分取 御祭朱子全書 然如前說去其盧井則亦 七十八 一唯都鄙 则

四畝須依古法折除一家各得一

畝岩 干步為盧舍

請野九一 孟子只把雨我公田證周亦有公田讀書亦不須究盡 世禄是食公田之人問鄰長比長之屬有禄否曰恐未 郷 **岩將周禮一** 細微 必有問士者之學如何曰亦農隊而學孰與教之曰 度野謂甸稍縣都行九一 卿大夫有德行而致其仕者便教之 制因 而助國中什 度論 永 嘉之學 物 求合其說亦難此二句大率有周禮 上 致 使自賦如古注之說如何 法國中什一 以在王城 曰

欽定四庫全書 國中行鄉遂之法如五家為比五比為間四間為族五 所以行不得那九一之法故只得什一使自賦如鄉 卒五卒為旅五旅為師五師為軍皆是五五相連 豐凶易察 法次第是三十家方出得士十人徒十人井田之法 出一人兵且如五家為比比便有一箇長了井牧之 族為黨五黨為州又如五人為伍五伍為兩四兩為 作都即却行井牧之法逃之法四字次第是一家鄉送應却行井牧之法此處應有鄉次第是一家 即暴朱子全書

七十九

問圭田餘夫之田是在公田私田之外否曰卿受田六 是孟子拗處先是五十後是七十又是一百便是一 孟子說夏五十而貢殷七十而助周百畝而徹此都 番打碎 外也孟子亦是言大祭耳未必曾見周禮也 夫二十五畝乃是十六歲以前所受在一夫百畝之 十邑乃當二百四十井此外又有圭田五十畝也餘 有為神農之言章 一番想聖人處事必不如是勞擾 類以 五上

問決汝漢排淮泗曰其說只是 火足四事人生 一和泉朱子全書 所通之邗溝初非禹近且若如此則淮又不能專達 漕渠猶是流水而汝漢泗水皆從此以入江但今江 泗 淮 之說有不通矣沈存中引李駒南來錄言唐時淮南 於海亦不得在四瀆之數矣沈説終亦不能通也 漸深故不通耳此或猶可強說然運河自是夫差 而汝水終不入江則排淮四而後汝漢得以 不足深論况准 四能壅汝水不能壅漢水今排淮 時行文之過別無奥 八十

問振徳是施惠之意否曰是然不是財惠之惠只是施 亞夫問爱無差等施由親始與親親而仁民仁民而愛 金グログとう 是有差等又如施由親始一句乃是夷之臨時誤 從而教之語 之以教化上文匡直輔翼等事是也彼既自得之復 豐 相類否曰既是愛無差等何故又施由親始這便 集 o 墨者夷之章 卷二十

問愛無差等施由親始夷子既知此說便當一 問人只是一父母所生如木只是一 改定四車全書 四 御幕朱子全書 句法若作虚字看則不成句法曰是姒上 差等便是二本至曰命之矣之字作夷子名看方成 謂施由親始便是把爱無差等之心施之然把爱人 來揍孟子意却不知愛無差等一句已不是了他所 之心推來爱親是甚道理 之親猶己之親如牽彼樹根強合此樹根曰爱無 根林夷子却視他 4-語 條

貴賤方得今却日施由親始則是又將親疎對待而 始雖若粗有差別然亦是施此無差等之爱耳故孟 窮矣曰夷之所說愛無差等此是大病其言施由親 言豈非吾之爱又有差等哉其詞氣抵牾信乎道而 答張 批之心有以切中其病耳此是緊要處當著眼目 所以卒能感動而自知其非盖因孟子極言非為 子但責其二本而不論其下句之自相矛盾也夷之 集敬之

問枉尺直尋曰援天下以道者枉已便已枉道則是已 人足四年全十一日 印第末子全書 敬之問居天下之廣居立天下之正位行天下之大道 直 曰大縣只是無些子偏的且如此心廓然無 失援天下之具矣更説甚事自家身既已壞了如何 滕文公下 粗語 景春曰公孫行張儀章 陳代曰不見諸侯章

金岁日五人 意直與天地同量這便是居天下之廣居便是居仁 **廣居是體立正位是用論下兩句則立正位是體行** 義這便是行天下之大道便是由義論上兩句則居 到得自家立身更無些子不當於理這便是立天 大道是用要知能居天下之廣居自然能立天下之 之正位便是守禮及推而見於事更無些子不合於 正位行天下之大道語 小國章 卷二十

問滕文公之問逾迫而孟子所以答之者若無可為謀 飲定四車全書 具御祭朱子全書 豈膝之地福小不足以有為而王偃滅滕伐薛取諸 萬章之問宋而孟子遞以成湯樂天之事反覆告之 者極其規模所就亦不過太王畏天保國之事至於 侯之兵果有可畏之實耶曰強弱者勢也得失者事 曰以強弱為得失則是強者常得弱者常失也豈其 之如此而為得如此而為失則其理未嘗不同耳岩 也宋滕之強弱有異故其得失之效不同但其一事 子三

至云看得孟子於辭受取舍進退去就莫非天理時中 之者盜也充類至義之盡辭曰聞戒旣贐可受則受 可以見矣充仲子之操則蚓而後可謂非其有而取 干木踰垣而避之泄柳閉門而不納是皆已甚迫斯 然中 〇文集 之妙無一 之皆無一豪過不及無一豪私意曰道理固是恁地 公孫丑問不見諸侯章 - 豪人欲之私無一 · 豪過不及之病如謂段

次定四車全書 國即暴來子全首 居之問孟子豈好辯章先生令看大意曰此段最好看 補這見聖賢是甚力量直有闔闢乾坤之功 補得周全後過得稍久又不免有關又得聖賢出來 力量恰似天地有闕醫處得聖賢出來補得敎周全 以救正之者是這般樣子這見得聖賢是甚麼樣大 看見諸聖賢遭時之變各行其道是這般時節其所 而今有此事到面前這道理又却那裏安頓歸 公都子問好辯章 八十四

問孔子作春秋空言無補亂臣賊子何緣便懼且何足 善者惡者了然在目觀之者知所懲勸故亂臣賊子 得足以褒貶榮辱人来不過如今之史書直書其事 而其義大明孔子亦何當有意說用某字使人知勸 時史書掌於史官想人不得見及孔子取而筆削之 為春秋之一治曰非說當時便一治只是存得箇治 用某字使人知惟用某字有甚微詞與義使人曉 法使這道理光明燦爛有能舉而行之為治不難當

卷二十

次定四軍全書 四柳菜米子全書 問孟子好辯一節日當時如縱橫刑名之徒孟子却不 管他蓋他只壞得箇粗底若楊墨則害了人心須著 與之辯時舉謂當時人心不正趨向不一非孟子力 知異端之學為非乃是孟子有功於後世耳 徒也未怕他到後世却因其言而知聖人之道為是 不得曰孟子於當時只在私下恁地説所謂楊墨之 有所畏懼而不犯耳 起而闢之則聖人之道無自而明是時真箇少孟子 华丘

因居之看好辯一章曰墨氏爱無差等故視其父如路 也 今乃壞而棄之是逆理也湯武之舉乃是順理如楊 為汙池棄田以為園囿民有屋可居有地可種桑 注之海乃順水之性使之潤下而已暴君壞宫室以 故至於無君要之楊墨即是逆理不循理耳如 人楊氏只理會自己所謂脩其身而外天下國家者 如水本潤下今洪水乃横流是逆理也禹堀地而 順生向上去是順理今 一枝乃逆下生來是逆

卷二十

敬之問楊墨曰楊墨只是差了些子其末流遂至於無 久足四軍全計 一脚果米子全者 然使人皆如此潔身而自為則天下事於誰理會此 墨逆理無父無君邪說誣民仁義充塞便至於率獸 便是無君也墨氏見世間人自私自利不能及人故 父無君蓋楊氏見世間人管管於名利埋沒其身而 食人人相食此孟子極力闢之亦只是順理而已 欲兼天下之人而盡爱之然不知或有一 不自知故獨潔其身以自髙如荷蕢接輿之徒是也 一患難在君 ハナ六

孟子言我欲正人心盖人心正然後可以有所為今 金罗巴西巴門 能與之辯若真箇見得是害人心亂吾道宣容不與 為彼雖說得不是不用管他此皆是看他不破故 所以為禽獸也孟子之辯只緣是放過不得令人見 親則當先救之在他人則後救之若君親與他人 佛老家之説者或以為其説似勝吾儒之説或又以 分先後則是待君親猶他人也便是無父此二者之 ,辯所謂孟子好辯者非好辯也自是住不得也 卷二十

孟子答公都子好辯一章三復之餘廢書太息只為見 次定四車全書 一巡柳縣朱子全書 出 得天理忒煞分明便自然如此住不得若見不到此 聖人之徒許之與春秋討賊之意同答不 **邪則入正出正則入邪两者之問蓋不容髮也雖未** 知道而能言距楊墨者已是心術向正之人所以以 都不正了如何可以理會 故曰能言距楊墨者聖人之徒也此便與春秋 如何強得也然聖賢奉行天討却自有箇不易之 類以六上 條語 坌

鄭公藝圃折衷曰秦始皇漢武帝唐太宗欲無夷秋韓 豺狼蛟鼉出馬古今豈有無小人之國哉作易者其 慶雲瑞日景風時雨而霜雹降馬地不唯五穀桑麻 敬與 愈欲無釋老孟子欲無楊墨甚哉未之思也天不唯 而美稗鉤吻生馬山林河海不唯龜龍麟鳳而鳩泉 亂臣賊子之意 知道乎隐之辯曰秦始皇漢武帝唐太宗欲無夷 夫張 般售来讀過亦不覺近乃識之耳

欠已四日 白色 一题御祭朱子全書 然後大道得不泯絕有識之士謂洪水之害害於人 身邪説之害害於人心身之害為易見尚可避者心 生西竺漢明帝始求事之老氏生周末西漢實后始 偏其過至於無君一則為仁之偏其過至於無父先 欲無釋老豈爱摩頂放踵利天下為之一則為義之 好尚之自晋梁以及於唐其教顯行韓公力排斥之 王大道由是榛塞孟子辭而闢之然後廓如也釋氏 文

是皆好大喜功窮兵黷武之過孟子欲無楊墨韓子

金岁口屋台雪 **吻之害而欲五穀桑麻之有成也今乃立與論以攻** 麻而不去美碑鉤吻者與若孟子者正務去美秤鉤 **曾有所謂釋老楊墨者茍欲其無亦不為過而謂地** 子齊而力倍之詎不信夫且夫唐虞三代之盛時未 功不在禹下唐之史臣謂韓公排釋老而其功與孟 明孰知其害而務去之乎韓公謂孟子距楊墨而其 之害為難知溺其說者形存而生亡矣自非智識髙 不唯五穀桑麻而奠稈鉤吻生焉世豈有種五穀桑

次定四年全計 即鄉來子全古 孟子之闢異端如宣王之攘夷秋其志亦若此而 所以参天地贊化育而天地所以待人而為三才也 雨 矣人生其間混然中處盡其變理之功則有景風時 均出於天五穀桑麻與美稈鉤吻均出於地此固然 日知堯舜孔孟所傳之正然後知異端之為害也深 而息邪距該之功大矣彼曰景風時雨與戾氣旱蝗 之是誠何心哉予懼聖道之不明故不得不與之 而無戾氣旱蝗有五穀桑麻而無美秤鉤吻此人 ハナル

温公疑孟曰仲子以兄之禄為不義之禄盖謂不以 金グロ 文集三條料〇以上 哉嗚呼作易者其知道乎其不知易者甚哉讀命隐 復名卦之意則可見矣而曰古今豈有無小人之國 豈秦始皇漢武帝之比哉聖人作易以立人極其義 道事君而得之也以兄之室為不義之室蓋謂不以 以君子為主故為君子謀而不為小人謀觀泰否剥 Į 陳仲子豈不誠原士章 1:1:1 欠已日東全島 國御縣未子全書 其道取於人而成之也仲子盖當諫其兄矣而兄不 室與果身織屢妻辟纏而得之也非不義也置當更 用也伸子之志以為否既知其不義矣然且食而居 中行亦捐者有所不為也孟子過之何其甚耶隐之 探其情仲子之避凡離母豈所願耶若仲子者誠非 哇之豈以母則不食以妻則食之耶君子之責人當 問其築與種者誰與以所食之鵝兄所受之饋也故 之是口非之而身事之也故避之居於於陵於陵之 九十

金月口匠人 義而非食弗居也謂仲子為稍者有所不為避兄離 孰使之離烏得謂之豈所願耶仲子齊之世家萬鍾 其說仲子之兄非不友孰使之避仲子之母非不慈 母 而非之居於於陵以彰兄之過與妻同處而離其母 一禄世之有矣不知何為諫其兄以其禄與室為 **曰陳仲子弗居不義之室弗食不義之禄夫孰得** 則不為也而謂仲子避兄離母豈所願耶殊不晓 可謂狷乎孟子深闢之者以離母則不孝避兄 E 卷二十

饭定四庫全書 戒也與口温公云仲子嘗諫其兄而兄不用然且食 謂兄可避母可離其害教也大矣孟子之言履霜之 者有所不為者也愚謂口非之而身享之一時之小 不恭也使仲子之道行則天下之人不知義之所在 嫌狷者之不為一身之小節至於父子兄弟乃人之 而居之是口非之而身事之也故避之又曰仲子狷 小嫌守小節亦将安所施哉此孟子絶仲子之本意 大倫天地之大義一日去之則禽獸夷秋矣雖復謹 御原木子全書 九十二

御纂朱子全書卷二十 舜之為法於天下者則知之矣請你隐之尊 慈孰使之離愚謂政使不慈不友亦無逃去之理觀 隐之云仲子之兄非不友孰使之避仲子之母非不